

鄭公少萊司馬軼事

王頌蔚

光緒初年蘇州修郡志以頌蔚預纂校事頌蔚祖籍東
洞庭山得山人采訪知鄭蕁村先生諱璇宰蜀三臺有
異政爲列入吳縣人物志第十卷先生傳後附載子長
昕道光壬午舉人江西永新知縣誌名誌官而未及事
實子附父傳亦通例也迄庚辰與季雅鄭君言紹爲禮
闈同年且締姻好始知鄭公諱長昕者乃季雅同年先
德實爲蕁村先生之文孫當日采訪失實誤孫爲子而
秉筆者亦第弗深考疎矣頌蔚因是得讀公家傳公字
雅三號少萊以孝廉由實錄館議敘出宰江右始授永

新後調德化又權篆七邑擢九江郡丞歷宦二十餘年
所至多循績於永新建書院大庾平夫役政豐城築杜
家門首堤均載各邑志尤以聽訟名傳記所錄弗克殫
述而事有尤著者則不可以不誌公之任德化也先一
月盜劫西門外譚福泰錢肆得巨贓並拒傷鄰人蔡某
舊令尹適因事被譴將瓜代置不問而公猶未履任同
城九江郡守劉君熾昌引爲己事勒捕嚴緝旬日獲六
盜日夕研訊俱承服以待公至卽定讞劉勇於任事而
性操切方自喜其嚴明而神速也及公覆訊犯供殊參
差初福泰呈失贓實銀十八錠洋九百圓劉以贓過鉅

勒事主改減故續呈報洋不及銀而盜供得贓乃適如
所改數公以是爲疑未數日鄰人蔡某因傷死公往驗
胸左一傷青腫墳起閱前供盜稱係鐵槍所戳公以鐵
槍乃利器應破損不應青腫命取死者當日所服絮衣
驗之衣亦完善愈知厯供非信讞據情白守守憲以公
爲迂拘益敦促具牘公益堅持不肯發惟密遣購訪另
緝而已案係道光二十八年九月事臘月鎮江移牒至
鎮江因案獲盜盜供先於九江犯案劫錢肆銀洋數與
肆主原報符又供以堅木桿撈路人踏於地厯厯若繪
公懷牒見守守大慙後復訊盜俱伏叩曰非得見青天

等皆斷頭鬼矣然大人固非良民因劉督捕急役拘平日有過犯者以塞責役逼拷教供劉復以刑求遂誣服公惟不徇上官意卒與平反此豈世俗巧宦所肯爲者又三年任九江同知屬邑彭澤有疑獄兩造俱控省省發府訊累年不能決時太守陳君景曾知公老吏也以屬公案爲彭澤富人羅某以佃欠索償急佃母挺身出語侮羅羅嗾僕眾繫縛之尋絕吭死乘夜棄屍於野塘越數日子來尋母羅給以早歸子於塘中得屍疑爲失足及見縊痕乃以羅威逼斃母控於官羅亦控佃以子縊母藉屍圖訛互控久不決兩羅以財勝每得直公

涖縣集訊時案懸已久鄰里屢被逮雖有知者莫敢言
證佐俱無惟任狡展而已公置案不問而日出覽山水
勝係客官人無識者徐偵知佃母至羅家羅適作佛事
所延爲某寺僧遂微服易裝屢至寺遊與僧談日益狎
間及羅事僧言是日見老嫗來抵觸羅羅盛怒繫嫗頸
及手足縛置於檻外而未知其後之死也復訊羅不承
縛嫗事傳僧證之無可遁再鞠眾僕乃悉吐實羅抵法
佃得釋公之判獄明允類如斯竊念蕞村先生以伸雪
奇冤感及物類志傳已詳乃治譜家傳及公而又克繩
武且精密詳慎有足爲聽訟法者方將貽示官箴而志

乘安可闕如頌蔚昔忝纂校於公世系旣誤又以未輯
專傳爲憾直廬偶暇謹誌崖略以貽季雅同年冀異日
陳諸大府爲郡志正訛補軼以贖昔年舛漏之愆幸孰
甚焉

此王侍御黻卿同年爲先大夫作也光緒己丑郵書
寄鄴殷殷以更正郡志爲言讀之欽感無地記有之
曰先祖無美而稱之是誣也知而弗傳是不仁也後
乃悉蘇郡志已於壬午歲刊成不可易矣是篇謹藏
之俟後之君子續修郡志幸蒙鑒及前事爲更定
而采錄之則世世子孫感且不朽

言紹
謹識

太湖備考續編卷三

東山鄭言紹季雅輯

外孫葉慶禔

校訂

孫思敏

列女

東山節烈傳成於金氏玉相後無繼輯者至道光
中葉耆翁小亭奎鄭二義曷榮始創舉采訪遠
年近歲靡不蒐羅其時上邀旌典者增至千有
餘人迄咸豐辛酉祠燬坊圯幽潛之光又將泯焉
重賴吳耕雲茂才從本訪羅增輯並刊孝貞節烈
編以永其傳一縷之繫未墜於地幸哉今復經續

訪合先後訪冊序錄之其分九次較備考原編所

登載者數逾倍徒猶恐蘭生幽谷玉韞空山撈采

多遺彌深惶歉焉

各冊編次以貞女列前節婦列後

查自道光十四年以前歷次請

旌者

接續備考乾隆年起

張貞女許字朱崑源未婚崑源卒女矢志歸朱終身縞

素房幃無朱漆器常以白布帘蔽其戶

乾隆三十一年旌

徐貞女徐愷裕女字張文聘爲養媳文聘亡氏年十六

家人以其未成婚議爲改配女不從以死誓之守三

十六年卒

乾隆五十二年旌

吳貞女吳子良女幼字施有禧有禧未娶卒女年十八

奔喪守志歷七十一年卒

乾隆五十四年旌

嚴昌升妻張氏二十歲夫亡守五十七年

康熙三年卒
乾隆年旌

席啟明妻周氏二十一歲夫亡守三十六年

康熙五年卒
後追旌

嚴信寬妻施氏夫死視含斂畢卽乘閒自縊於夫側蘇

州府張給閨秀完人匾

康熙四十八年卒
乾隆年旌

吳定鑄妻翁氏二十三歲夫亡守四十七年巡撫于給

勁節凌霄匾

康熙五十一年卒
乾隆年旌

席士琦妻張氏三十歲夫亡守三十一年

乾隆元年旌

王顯麟妻葉氏十九歲夫亡守五十四年

旌年全上

王奕傳妻朱氏二十三歲夫亡

旌年全上

陸鴻業妻邱氏二十九歲夫亡守五十五年

旌年全上

吳之錡妻葉氏二十二歲夫亡守六十四年

旌乾隆二年

嚴信通妻許氏夫渡湖溺死氏潛至湖濱欲從夫以殉

家人曳之返守志終身

乾隆三年旌

吳永情妻倪氏

武山有坊旌年字模糊

吳定功繼妻翁氏

武山有坊旌年字模糊

吳永脩妾茅氏二十四歲寡

乾隆六年旌

蔣左明妻周氏二十七歲夫亡守五十年

乾隆六年旌

吳匡成妻潘氏二十八歲夫亡守二十六年

旌乾隆七年

周德麟妻吳氏二十歲夫亡守二十二年

旌年全上

葛國治妻陳氏二十二歲夫亡守四十七年 旌年全上

席啟諧妻姜氏 旌年全上

金孝書妻葛氏 旌年全上

席以孝妻姜氏 旌年全上

席永言繼妻姚氏二十歲夫亡守五十六年 旌年全上

庠生吳時夏妻湯氏二十七歲夫亡守六十五年九十

一歲卒 乾隆十年旌

席啟謙妻葉氏二十六歲夫亡守二十七年 乾隆十一年旌

席本珙妻葉氏二十五歲夫亡守五十八年 旌年全上

嚴徽乾妻席氏十八歲夫亡守二十五年 乾隆十三年旌

吳繩伯妻金氏二十七歲夫亡守五十五年 旌年全上

邱之椿妾吳氏二十一歲寡守十九年 乾隆十六年旌

張仁鑑妻許氏 乾隆十九年旌

吳學炳妻夏氏十八歲夫亡守二十五年 乾隆二十年旌

張啟序妻徐氏二十八歲夫亡守五十三年 乾隆二十年旌

席耀先妻俞氏 乾隆二十九年旌

潘學熹妻朱氏 乾隆三十年旌

石宏海妻嚴氏二十九歲夫亡守三十二年 乾隆三十四年旌

石宏深妻葉氏二十歲夫亡守四十九年 乾隆三十六年旌

朱如瀚妻傅氏二十一歲夫亡守五十七年 旌年全上

王槐庭妾周氏二十二歲寡守四十四年乾隆四十二年旌

姜械初妻嚴氏二十六歲夫亡守四十年旌年全上

鄭華崑妻劉氏二十歲夫亡守六十年乾隆四十六年旌

金澍妻席氏二十歲夫亡守四十四年乾隆四十七年旌

葉勗德妻張氏乾隆四十九年旌

金熙俊妻周氏二十七歲夫亡守三十年乾隆五十年旌

吳必藩妻石氏十八歲夫亡守六十三年乾隆五十二年旌

席紹宣妻居氏二十歲夫亡守四十二年乾隆五十四年旌

席紹茂妻葉氏二十二歲夫亡守四十四年旌年全上

周成之妻葛氏二十歲夫亡守五十三年乾隆五十六年旌

席贊淳妻韓氏韓中立女二十一歲夫亡家貧資義米

養遺孤以勤儉積資晚年捐三千金於義莊以爲報

守五十七年

乾隆五十六年旌

嚴近思妻葉氏二十歲夫亡守六十一年

乾隆五十七年旌

鄭啟宜妻席氏二十四歲夫亡守二十九年

旌年全上

夏陞華妻鄭氏國子監典籍樵谷女適夏未百日而夫

亡年二十歲守五十九年

旌年全上

陸非熊妻馬氏馬受卿女夫溺於湖七日不得屍氏誓

往投河屍忽出得成歛後撫三月孤成立

旌年失考

吳存禮妻席氏二十歲夫亡守七十五年

乾隆年旌

徐廷璧妻陸氏二十四歲夫亡守五十二年 乾隆年旌

邱光照妻金氏二十二歲夫亡守六十三年 嘉慶三年旌

俞秉璋妻劉氏二十六歲夫亡守四十年 嘉慶四年旌

葉實蕃妻嚴氏嚴方舒女二十三歲夫亡守三十七年

侍翁病篤刲股和藥以進得瘳 嘉慶六年旌

嚴信準妻張氏二十三歲夫亡守六十五年 嘉慶七年旌

翁桂陽妻吳氏二十九歲夫亡守五十八年 旌年全上

嚴明達妻唐氏三十歲夫亡守四十一年 又妾馬氏

二十六歲寡守三十四年 嘉慶八年彙旌

楊士超繼妻王氏嘉慶十八年十月室廬災氏奔救祖

姑背負以出力弗任同殞於火死

旌年未詳

吳必顯妻張氏二十六歲夫亡守五十九年

嘉慶二十二年旌

吳正玉妻金氏二十一歲夫亡守六十年

嘉慶二十二年旌

朱倫緯妻葉氏二十六歲夫亡守五十三年

道光元年旌

許大木妻張氏二十一歲夫亡守五十六年

道光二年旌

蔡文炎妻陸氏二十六歲夫亡守五十六年

道光十年旌

翁醴泉妻沈氏二十七歲夫亡守四十一年

道光十四年旌

吳厚安繼妻席氏二十四歲夫亡守三十四年

旌年全上

是冊共旌六十九人

道光十七年請旌者

王烈女雲南呈貢知縣王廷欽女幼字朱鳳墀未婚而
鳳墀卒女欲奔喪父母不可後有求婚者女以死自
誓遂弗強也乾隆三十六年廷欽奉委運銅溺於川
訃至女大哭曰女所以不卽死者徒以二人在也今
父又遭難女生何爲弟已長能事母矣女將從父與
夫於地下越二日竟縊死年二十歲

夏貞女幼字葉煥章未婚煥章病歿女守貞不字年至

八十一卒

年分失考

鄭貞女培綱女字周曾元未婚曾元卒女年十八誓不